

仿宋本新定續志

新定续志

一函二册

编纂 宋·方仁荣
郑瑶

出版 中国书店

北京琉璃厂西街十八号

印刷 韩营古籍印刷厂

北京大兴

发行 新华书店首都发行所

一九九二年三月

ISBN 7-80568-394-8/K·98

定价：35元

新定續志卷之四

縹不令下山

郡之鎮山曰仁安支脉蜿蜒下走平曠其繚入
郡城者各有名前志不書乃今書之

錦砂岡

元字犯
光廟嫌諱

在城內北正脉融結萃

爲郡治

東山在郡治東

秀山以秀亭得名西連東山

建安山在百順門內

樊家山在雄節營北

西山在城內西北舊有孤高亭今廢

道場山以陳尊宿得名西連西山

縣志昔各水

新安江東陽江合流于城東南前志列於建德
縣下今不再書撫湖井之宜書者書之

西湖在城西南祝

聖放生焉景定二年秋七月暴雨仁
安山洪流迸出決湖趨江湖涸遂蕪今
侯錢可則亟以冬隙堤之明年正月祝
堯之日放生於湖如常年碧波溶溶鱗
介咸遂邦人樂其有愛

君之心焉添倅東陽樓晏爲之記

郡城岸江枕山泉味甘冽舊爲井者九曰桂
泉在雙桂坊曰清泉在子城外西北曰

華泉在堦率寺西百步曰甘泉在軍門

內西曰釀泉在郡圃

今連筒入公庫資歲釀

曰秀

泉在添差通判衙東曰海底泉在和平

門內西曰白龍泉在安泰門外曰碧波

泉在嘉貺門外或謂甘泉秀泉不列於

九井然皆未有考焉其他綆汲之所尚

多如雙井在善教坊南小巷中蟹黃泉

在樊家山下舍人井在舍人橋東丁家

井在濠堞墪下路北龍泉在錦砂岡西

今連筒入三務資歲釀

是皆宜書

寺觀

寺觀比前志無大更革撫其關於郡典者書之

郡官之祝

聖滿散詣天慶觀兜率寺

郡官之行

國忌香詣能仁院

郡官之追崇

徽廟詣南山光孝禪寺

郡官之勸農詣近郊寺院無常所

法善禪寺舊在州城內東今城西九峯庵請

其額

甘泉道院在軍門內西井於闕閭中民居

偪仄易穢紹定戊子知州陸子適買民

地爲亭覆之近爲道院以奉佑聖郡以

羽士主之

東山道院在子城外東景定庚申知州謝奕
中建以羽士主之亦奉佑聖

祠廟

郡爲吳俗昔多祠宇自張宣公知州斥淫祠之
不在祀典者故今所奉皆名神撫其更革者志之
城隍靈應廟在子城內西神以建安王爲稱
然莫知封號之始景定辛酉今侯錢可

則荐請于

朝始賜額靈應更闢廟門以侈新渥

祠山行宮舊在堦率寺東廡間淳祐辛丑知
州王似闢寺東廢址遷焉南臨通衢廟
貌斯稱郡博士桂錫孫爲記

梓潼真君行祠舊在天慶觀廡間景定庚申
東山今俟錢可則拓地于觀之右大飭祠宮
南臨通衢面勢軒豁明年大比士之領

薦者拱前後率有吉識今吏書葉夢鼎

爲之記

景定二年大比興賢太府寺丞知嚴陵錢侯即郡之桂華坊作

梓潼真君祠世言帝命司桂籍主人間料級者也介教授鄭君珪以書求徵記

曰惟嚴陵山水秀天下鍾奇產英魁儒相繼出志道義崇氣節不但以詞藻名

世也聲光蕩摩達于曠畊瀨釣之區家誦書人業儒交勉爲士君子之行又不

但以名第相眩慕也侯始至諗其國俗而嘉尚之凡學宮俎豆之事庖廩之供

必敬必飭廼復經始斯役揭虔妥靈漸以相斯文福多士藝闡設棘而祠宮適

成羣六邑之彥雷動霧湧顧瞻奐輪興起風烈至有感吉夢而占上游者斯亦

異哉余惟上以德藝賓士士知自修而
不蘄上之知古之道也自科目興應書
自銜而古意日以薄顧復使大冠脩劒
者流眈眈焉乞靈於神以志一得余始
惑焉旣乃訪之蜀珍稽諸誌諫則知神
之生也卅以忠孝顯夫忠孝百行之冠
冕其剛大浩然之氣精純不二之心耿
耿宇宙間殆日月並揭河漢同流風霆
烈而山岳峙也眉山蘇公所謂不依形
而立不恃力而行不待生而存不隨死
而亡者其是物歟是以神之廟食被四
蜀人士嚴奉如錦官夫子石室諸葛忠
武祠歷千百載首一日中更西事沸擾
黠酋暴客過輒投戈羅拜是何威靈氣
燄動悟人物如此秉彝好德無間哲愚
是必有以蠲其天矣 國家籲俊尚賢

三歲有詔與郊見神示之典同萬
乘臨軒與冊拜公孤之儀等甚重事也

士繇此選蓋將致其爲臣爲子之大節
明綱常以準世弘德業以庇民願豈使

之弄鉞槩徼祿利而已今賢侯身勸爲
駕爾嚴之士方袞袞上春官奉大對當

思天高地厚中立此身君親之報難窮
忠孝之節易撓惟無負於君親即無媿

於天地而亦不爲爾神羞此侯作祠之
初意所以望爾上者厚而垂教思者遠

也抑神九十四化之說祝史傳會海聖
瀆靈世未有明辨之者而神陰翼世教

之意泯焉夫化者謂能神其道以化俗
非如釋氏以幻爲化也故神之福善也

惡者化而爲善神之佑順也逆者化而
爲順神之好是正直也邪者諂者化而

爲正直皆忠孝之感也洋乎在上必有
監於斯言侯名可則吳越五王後丞相
魏國忠靖公嫡孫蓋世載忠孝云大中
大夫權兵部尚書兼權吏部尚書兼同
修國史實錄院同修撰兼太子詹
事寧海縣開國男食邑三百戶天台葉
夢鼎記朝奉郎主管成都府玉局觀方
逢辰書朝奉大夫新除宗正少卿兼
太子侍讀留
夢炎題蓋

靈順行祠爲樓跨龍津橋嘉泰元年建

招商神祠在輯睦坊北祠廢已久地爲民居
淳祐火延數十百家自居祠地者始郡

以民請復建祠然舊以招商爲名豈非
土儉俗貧假懋遷之利以粒斯民故汲
汲然耶

崔府君廟在子城西巷內

天王堂在子城西北隅

古跡

郡相傳有三阜

元字犯光廟嫌諱

九井若九井旣志之

矣三阜俗傳爲郭璞窖一在通判廳治前一

在建德縣廳治前一在水南

大悲殿北有古井焉陶土爲欄識歲月其上蓋
開寶三年三月也且識是年米斗二十錢

碑碣

集古錄載此郡唐時石刻頗不一今徃徃不存
其所存者前志已輯之矣茲志其後來者焉

御製戒石銘守臣顏爲立石

御書籍田詔守臣羅汝楫立石

錫宴戒州縣 御筆守臣趙孟傳立石

戒貪并錄勲裔 御札守臣李介叔立石

訓廉 御札守臣錢可則立石

司馬溫公訓儉文知州盧憲立石

申用全會入納回降本末知州顏頤仲立石

碑陰舊爲篆書大風歌知州盧憲模立

申免嚴婺兩易米絹始末知州王似立石

碑陰

舊爲減免丁錢塩絹本末知州詹亢宗述